

ქ. თბილისი

24 აპრილი 2023 წ.

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (ს/კ 404945164) (შემდგომში „შემსყიდველი“) წარმოდგენილი მისი გენერალური დირექტორის ბორის თაყაიშვილის სახით და მეორეს მხრივ, შპს „იმერიონ სერვის გრუპ“ (ს/კ 405545584) (შემდგომში „მიმწოდებელი“) წარმოდგენილი მისი დირექტორის ზვიადი მარუაშვილის სახით, შემდეგზე – შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2023 წლის 31 მარტს ტვირთის გადაზიდვისა და შენახვის მომსახურებების (CPV63100000) შესყიდვის მიზნით გამოცხადებული ელექტრონული ტენდერი №NAT230007403 შედეგების მიხედვით დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შემოსავლების ფარგლებში ტვირთის გადაზიდვისა და შენახვის მომსახურებების (CPV63100000) შესყიდვა.

2. ხელშეკრულების ღირებულება

2.1. ხელშეკრულების საერთო ღირებულება შეადგენს: **5400.00 (ხუთი ათას ოთხასი) ლარს.**

2.2. ერთეულის ღირებულებები განისაზღვრება დანართი №1-ის შესაბამისად.

2.3. ხელშეკრულების ღირებულებაში შედის შესყიდვის ობიექტის მიწოდებასთან დაკავშირებული მიმწოდებლის ყველა ხარჯი მ.შ. ტრანსპორტირების და კანონმდებლობით გათვალისწინებული გადასახადები.

3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: ტვირთის გადაზიდვისა და შენახვის მომსახურებები (CPV63100000).

3.2. დანართი №1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, დასახელება, ტექნიკური მონაცემები, განზომილების ერთეული, რაოდენობა, ერთეულის ფასი და საერთო ღირებულება.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

5. შესყიდვის ობიექტის მიწოდების ადგილი და ვადები.

5.1. მომსახურების გაწევა მოხდება არაუმეტეს ექვსი ეტაპისა, მომსახურების გაწევის ვადაა 2023 წლის 1 მაისიდან 2023 წლის 31 დეკემბრის ჩათვლით. ამასთან, შემსყიდველისგან დამოუკიდებელი გარემოებების გათვალისწინებით, მომსახურების საჭიროების შესახებ მიმწოდებლისთვის ინფორმაციის მიწოდება შესაძლებელია მოხდეს მომსახურების გაწევის წინა დღეს.

5.2. მომსახურების გაწევის მისამართები:

1. ნინოშვილის ქ. N60,
2. თბილისი, ქავთარაძის II ჩიხი, თბილისი,
3. ქვ. ფონიჭალა რუსთავის გზატკეცილი 18/20,
4. თბილისი, ვაზისუბანი მიტროფანე ლაღიძის ქ. N 6/7ა,
5. თბილისი, გლდანის „ა“ მ/რ, კორპ. N70 -ის მიმდებარე, ფართი 4,
6. თბილისი, ქსნის ქ. N 4,
7. ლევან ჩარკვიანის ქუჩა #10. (ლისი-ონკოლოგიურის ტერიტორიაზე)

სულ 7 განყოფილება თბილისში, აქედან ორი განყოფილებაში ტვირთის ატანა უნდა მოხდეს მეორე სართულზე მდებარე საცავში.

ა) მომსახურების პროცესში ჩართული პირები უნდა იყვნენ საქართველოს მოქალაქეები ვადიანი პირადობის დამადასტურებელი მოწმობებით, რომლის ქსეროასლები მომსახურების ყველა ეტაპზე უნდა გადაეგზავნოს შემსყიდველის შესაბამის სამსახურს.

ბ) შემსყიდველის მხრიდან მომსახურების საჭიროების შესახებ ინფორმაციის მიღების შემდეგ, მიმწოდებელმა უნდა მოახდინოს მომსახურების პროცესში ჩართული ავტომობილის მონაცემების (ტექნიკური პასპორტი) მიწოდება შემსყიდველის შესაბამისი სამსახურისთვის.

გ) მიმწოდებელის სრულად იღებს პასუხისმგებლობას მომსახურების გაწევის ხარისხზე და უსაფრთხოებაზე. სატრანსპორტო საშუალება უნდა იყოს ტექნიკურად გამართული და აკმაყოფილებდეს საქართველოს კანონმდებლობით განსაზღვრულ ყველა უსაფრთხოების ნორმას.

დ) მომსახურება განხორციელდება სსიპ „დაცვის პოლიციის“ დაცვა გაცილების თანხლებით.

ე) მომსახურების პროცესში ავტომობილის მწყობრიდან გამოსვლის შემთხვევაში „მიმწოდებელი“ ვალდებულია საკუთარი ხარჯით, აღადგინოს დაზიანება ან ჩაანაცვლოს სხვა სატრანსპორტო საშუალებით არაუმეტეს 1 საათის ვადაში.

6. შესყიდვის ობიექტის მიღება-ჩაბარების წესი

- 6.1. შესყიდველის მიერ მომსახურების მიღება წარმოებს ეტაპობრივად. მომსახურების დასრულების შემდგომ ფორმდება მიღება-ჩაბარების აქტი.
- 6.2 მიღება – ჩაბარების აქტ(ებ)ზე ხელმოწერის უფლებამოსილება შესყიდველის მხრიდან ენიჭება ცენტრის ფარმაცევტულისაქმიანობის სამსახურის უფროსს თამარ გოლოშვილს.
- 6.3. „მომსახურების“ მიღების დროს გამოვლენილი დეფექტისა და ნაკლის აღმოფხვრას, საკუთარი ხარჯებით უზრუნველყოფს „მიმწოდებელი“.
- 6.4 იმ შემთხვევაში, თუ „შესყიდველის“ მიერ შემოწმების შედეგად გამოვლენილი იქნება „მომსახურების“ უხარისხობა, იგი წერილობით ან ტელეფონით აცნობებს „მიმწოდებელს“ და მოითხოვს სათანადო კომპენსაციას.

7. ანგარიშსწორების წესი, ფორმა და ვადები

- 7.1. ანგარიშსწორება განხორციელდება ეტაპობრივად, მხარეთა შორის მიღება ჩაბარების აქტ(ებ)ის გაფორმებიდან 10 (ათი) სამუშაო დღის ვადაში, მხარეთა შორის გაფორმებული მიღება ჩაბარების აქტ(ებ)ის სფუძველზე.
- 7.2. ანგარიშსწორების ფორმა – უნაღდო ანგარიშსწორება.
- 7.3. ანგარიშსწორება განხორციელდება ლარებში.

8. პირგასამტეხლო

- 8.1. ხელშეკრულებით ნაკისრი ვალდებულებების შეუსრულებლობისათვის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.
- 8.2. ხელშეკრულებით განსაზღვრული ვადების გადაცდენის შემთხვევაში მხარეებს ეკისრებათ პირგასამტეხლოს გადახდა ყოველ ვადა გადაცილებულ დღეზე გაანგარიშებით ხელშეკრულების ღირებულების 0,02%-ს.
- 8.3. ხელშეკრულებით აღებული ვალდებულებების არაჯეროვანი შესრულებისათვის მიმწოდებელი იხდის პირგასამტეხლოს ხელშეკრულების ღირებულების 10% ის ოდენობით.
- 8.4. 8.3 და/პუნქტებით გათვალისწინებულ შემთხვევის დადგომისას, ასევე იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 8.5. ჯარიმის გადახდა არ ათავისუფლებს მხარეებს ძირითადი ვალდებულებების შესრულებისგან.
- 8.6. მხარეები იღებენ ვალდებულებას უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში, ასევე შესყიდველი უფლებამოსილია მოახდინოს საჯარიმო თანხის ჩამოჭრა ასანაზღაურებელი თანხიდან.

9. მხარეთა უფლება-მოვალეობები

- 9.1. „შესყიდველი“ ვალდებულია:
- 9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.
- 9.2. „მიმწოდებელი“ ვალდებულია:
- 9.2.1. მიაწოდოს „შესყიდველს“ „მომსახურება“, რომელიც სრულად შეესაბამება ხარისხით და სხვა მონაცემებით „შესყიდველის“ დაკვეთას.
- 9.2.2. დროულად შეასრულოს ხელშეკრულებით ნაკისრი ყველა ვალდებულება.
- 9.3. „შესყიდველი“ უფლებამოსილია:
- 9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.
- 9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.
- 9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.
- 9.4. „მიმწოდებელი“ უფლებამოსილია:
- 9.4.1. მოითხოვოს „შესყიდველისაგან“ მის მიერ მიწოდებული „მომსახურების“ ღირებულების სრული ანაზღაურება.
- 9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შესყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.
- 9.4.3. აწარმოოს მოლაპარაკება „შესყიდველთან“ სახელშეკრულებო პირობებში კანონით დაშვებული ცვლილებების შეტანისათვის.
- 9.4.4. მიმართოს სასამართლოს ან სხვა შესაბამის ორგანოებს „შესყიდველის“ მიერ ხელშეკრულების პირობების დარღვევის გამო.

10. მხარეთა პასუხისმგებლობა ხელშეკრულების

პირობების დარღვევისათვის

- 10.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.
- 10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.
- 10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, გამოიწვევს საჯარიმო სანქციებს.
- 10.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი

შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.

10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“:

10.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.

10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

10.7.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.2. „მიმწოდებლის“ გაკოტრების შემთხვევაში.

10.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობითი პასუხს, იგი თავისი შეხედულებებისამებრ,

მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

17.2. ხელშეკრულების მოქმედების ვადა განისაზღვრება: 2024 წლის 31 იანვრის ჩათვლით.

17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

18. განსაკუთრებული შენიშვნები

18.1. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

18.2. ხელშეკრულება ძალაში შედის შემსყიდველის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

19. მხარეთა რეკვიზიტები

დაწესებულების დასახელება	„შემსყიდველი“ შპს „ფსიქიკური ჯანმრთელობის და ნარკომანიის პრევენციის ცენტრი“	დაწესებულების დასახელება	„მიმწოდებელი“ შპს „იმერიონ სერვის გრუპ“
ს/კოდი:	რეკვიზიტები: 404945164	ს/კოდი:	რეკვიზიტები: 405545584
მომსახურე ბანკი:	სს „საქართველოს ბანკი“	მომსახურე ბანკი:	ს/ს „საქართველოს ბანკი“
ბანკის კოდი:	BAGAGE22	ბანკის კოდი:	BAGAGE22
ანგ/ანგარიში:	GE41BG0000000544259603	ანგ/ანგარიში:	GE98BG0000000537696430
მის/იურიდიული	ქ. თბილისი, ქავთარაძის ჩიხი №2	მის/იურიდიული	ქ. თბილისი, ანა პოლიტკოვსკაიას 38
მის/ფაქტიური საკ/ინფორმაცია	ქ. თბილისი, ქავთარაძის ჩიხი №2	მის/ფაქტიური საკ/ინფორმაცია	596 54 54 55; zviadi.marua@gmail.com
გენერალური დირექტორი: ბორის თაყაიშვილი		დირექტორი: ზ. მარუაშვილი	

ხელწერილი ინტერესთა კონფლიქტის არ არსებობის შესახებ

”სახელმწიფო შესყიდვების შესახებ” საქართველოს კანონის მე-8 მუხლის შესაბამისად, ვადასტურებ, რომ შპს „ფსიქიკური ჯანმრთელობისა და ნარკომანიის პრევენციის ცენტრის” შემოსავლების ფარგლებში ელექტრონული ტენდერი აუქციონის გარეშე (**NAT230007403**) 2023 წლის 24 აპრილს შპს „იმერიონ სერვის გრუპთან“ გაფორმებული №151 ხელშეკრულების ფარგლებში ტვირთის გადაზიდვისა და შენახვის მომსახურებების (CPV63100000) შესყიდვის მიზნით ჩემი მონაწილეობა არ იწვევს ინტერესთა კონფლიქტს.

ცენტრის ფარმაცევტული საქმიანობის სამსახურის უფროსი:

თ. გოლოშვილი _____

დანართი N1 ხარჯთაღრიცხვა

N	დასახელება	ტექნიკური მონაცემები	ზომის ერთეული	რაოდენობა	ერთეულის ფასი	ჯამი
1	სატვირთო ავტომობილი	ტვირთამწეობა 1,5დან -6 ტონამდე	ცალი	6	550	3300
2	სატვირთო ავტომობილი	ტვირთამწეობა 1,5ტონაზე ნაკლები	ცალი	6	300	1800
3	დამტვირთავი მუშახელი		პერსონა	30	10	300
სულ:						5400

"შემსყიდველი"
გენერალური დირექტორი:

ბორის თაყაიშვილი

"მიმწოდებელი"
დირექტორი:

ზვიად მარუაშვილი